

Bosna i Hercegovina
BRČKO DISTRIKT
BOSNE I HERCEGOVINE
DIREKCIJA ZA
FINANSIJE/FINANCIJE



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ДИРЕКЦИЈА ЗА
ФИНАНСИЈЕ/ФИНАНСИЈЕ

Мирослава Крлеже 1, 76100 Брчко Дистрикт Босне и Херцеговине; Телефон: 049/ 220 890, Факс: 049/ 212 984,
Imroslava Krlježe 1, 76100 Brčko Distrikt Bosne i Hercegovine; Telefon: 049/ 220 890, Факс: 049/ 212 984,

Број:02-04.1-138/10
Брчко, 16.06.2010.godine

Na osnovu člana 11. Zakona o javnoj upravi Brčko distrikta Bosne i Hercegovine ("Službeni glasnik Brčko distrikta Bosne i Hercegovine", broj:19/07, 2/08 i 43/08), člana 12. stav (1) tačka c) Zakona o Direkciji za finansije Brčko distrikta Bosne i Hercegovine ("Službeni glasnik Brčko distrikta Bosne i Hercegovine" broj: 19/07), člana 23. stav (3) i člana 36. Zakona o budžetu Brčko distrikta Bosne i Hercegovine ("Službenik glasnik Brčko distrikta Bosne i Hercegovine", broj: 34/08), direktor Direkcije za finansije Brčko distrikta Bosne i Hercegovine donosi:

ODLUKU
O IZMJENAMA I DOPUNAMA ODLUKE
O UTVRĐIVANJU RAČUNOVODSTVENE POLITIKE ZA BUDŽETSKE KORISNIKE I TREZOR BRČKO DISTRIKTA BiH

Član 1.

U Odluci o utvrđivanju računovodstvene politike za budžetske korisnike i Trezor Brčko distrikta BiH („Službeni glasnik Brčko distrikta BiH“, broj: 30/08), član 3.mijenja se i glasi:

„Zakonska i druga regulativa za donošenje i izvršenje budžeta i sprovođenje trezorskog načina rada sa javnim приходима i rashodima je:

- a) Zakon o Direkciji za finansije Brčko distrikta Bosne i Hercegovine,
- b) Zakon o Trezoru Brčko distrikta BiH,
- c) Zakon o budžetu Brčko distrikta Bosne i Hercegovine,
- d) Zakon o javnim nabavkama,
- e) Zakon o računovodstvu i reviziji u Brčko distriktu BiH,
- f) Zakon o radu u Brčko distriktu Bosne i Hercegovine,
- g) Pravilnik o računovodstvu budžeta Brčko distrikta BiH,
- h) Pravilnik o knjigovodstvu budžeta Brčko distrikta BiH,
- i) Pravilnik o izradi budžeta.“

Član 2.

U članu 6. stav (3) mijenja se i glasi:

„Knjigovodstvene isprave čuvaju se u Direkciji za finansije u izvornom obliku dvije godine, nakon čega se knjigovodstvena dokumentacija odlaže u Arhiv Brčko distrikta.“

Član 3.

U članu 7. stav (8) mijenja se i glasi:

„Centralna popisna komisija dostavlja Vladi Brčko distrikta BiH izvještaj o izvršenom popisu i prijedlog mjera koje je potrebno preduzeti, nakon čega Vlada Brčko distrikta BiH donosi odluku o usvajanju izvještaja o izvršenom popisu i o mjerama koje treba preduzeti.“

Član 4.

U članu 11. u KLASI 2 riječi: „211500-Ukalkulisani porez na promet“, zamjenjuju se riječima: „211500-Ukalkulisani PDV“.

U KLASI 6 ovog člana riječi: „613- Izdaci za materijal i usluge“, zamjenjuju se riječima: „613-Izdaci za materijal, sitan inventar i usluge“, a riječi: „613400-Nabavka materijala“ zamjenjuju se riječima: „613400-Nabavka materijala i sitnog inventara“.

U KLASI 7 ovog člana iza riječi: „715400-Akcize“ dodaju se riječi: „715500-Prihodi od indirektnih poreza“.

U KLASI 7 ovog člana iza riječi: „721600-Prihodi od privatizacije“, dodaju se riječi: „721700-Prihodi po osnovu premija i provizija za izdatu garanciju“.

U KLASI 7 ovog člana iza riječi: „722600-Prihodi od pružanja javnih usluga (Prihodi od sopstvenih djelatnosti)“, dodaju se riječi: „722700-Neplanirane uplate-prihod“.

U KLASI 7 ovog člana broj: „723100“ zamjenjuje se brojem: 732100“.

U KLASI 7 ovog člana iza riječi: „723100-Od ostalih nivoa BiH i entiteta“ dodaju se riječi: „777-Prihodi po osnovu zaostalih obaveza

777100- Prihodi po osnovu zaostalih obaveza“

Član 5.

U članu 14.stav (6) mijenja se i glasi:

„Ukoliko se za realizaciju zaključenih ugovora sa dobavljačem definiše uplata avansa, onda se knjiženje isplata avansa vrši tako što se zadužuje konto 131122-avansi dati u inostranstvo ili konto 131112-avansi dati u zemlji, a odobrava konto 391411. Kod izvršenog plaćanja duguje konto 391411, a potražuje žiro-račun 111111.“

U stavu (7) ovog člana riječi: „Nakon toga obavezno se vrši uparivanje datog avansa sa primljenom fakturom, te se zatvara (umanjuje) konto 191219-ostali razgraničeni rashodi-avansi i umanjuje konto 391141-ostala razgraničenja-avansi (koji će iznos avansa biti knjižen regulisano je ugovorom).“ se brišu.

Član 6.

U članu 19.stav (1) riječi: „591111-višk prihoda nad rashodima“, zamjenjuju se riječima: „391300-ostala razgraničenja“.

Član 7.

U članu 20.stav (3) tačka b) mijenja se i glasi:

„Ukoliko komisija za rashodovanje utvrdi i predloži da se rashodovno sredstvo može prodati kao otpad i nakon provedenih procedura za prodaju, a na osnovu ispostavljene fakture kupcu za prodani otpad, knjiži se potraživanje na teret konta 131111-potraživanja od kupaca u korist konta 391300-ostala razgraničenja.“

Član 8.

U članu 26. iza stava (3) dodaje se novi stav (4) i glasi:

„Ukoliko dugoročni plasmani nisu iskazani preko grupe računa 82000-izdaci, iskazuju se i prate preko ekonomskog koda 591111-višk prihoda nad rashodima.“

Član 9.

U članu 33. iza stava (7) dodaje se novi stav (8) i glasi:

„Otpis sumnjivih i spornih potraživanja vrši se na teret razgraničenja, odnosno isknjižavanjem iz evidencije nenaplaćenih potraživanja.“

Član 10.

U članu 34. riječi: „i odgovarajući analitički konto iz glavne grupe 721219-ostali prihodi od finansijske i nematerijalne imovine, „ se brišu.

Član 11.

Član 40.mijenja se i glasi:

„(1)Knjiženju dugoročnih kredita uvijek mora prethoditi ugovor na osnovu kojeg se sastavlja amortizacioni plan otplate kredita i vrši otplata anuiteta i njihovo knjiženje.

(2)Knjiženje dugoročnih kredita vrši se u Glavnoj knjizi tako što se na osnovu izvoda iz banke zaduži žiroračun, a odobri odgovarajući analitički konto iz glavne kategorije 810000-primici.

(3)Nakon obavljene operacije iz stava (2) ovog člana u istom nalogu se zadužuje odgovarajući analitički konto iz podgrupe 093000-dugoročna razgraničenja u iznosu primljenog kredita, a odobrava

odgovarajući analitički konto iz podgrupe 410000-dugoročni krediti i zajmovi, nakon čega se zadužuje konto 819999-korektivni konto, a odobrava konto 511120-izvori novčanih sredstava.“

Član 12.

U članu 45.iza stava (9) dodaje se novi stav (10) i glasi:
„Neslaganja između klase 5 i klase 8 iz stava (9) ovog člana moguća su: za vrijednost doniranih stalnih sredstava, za iznos zaduženja kada novčana sredstva nisu legla na žiro račun i za iznos obračunatih penala dobavljačima.“

Član 13.

U članu 46.stavovi (2), (3), (4), (5) i (6) se brišu.

Član 14.

Iza člana 46.dodaje se novi član 46a) koji glasi:

46a)

(Odgovornost i obaveze budžetskih korisnika)

(1) Budžetski korisnici su odgovorni za stvaranje obaveza budžeta Brčko distrikta, i pri tome su dužni da se pridržavaju zakonskih propisa koji regulišu ovu oblast.

(2) Rukovodioci budžetskih korisnika dužni su vršiti nadzor nad zakonitošću, blagovremenosti i pravilnosti rada službenika i namještenika uposlenih kod tog budžetskog korisnika.

(3) Potrošnja sredstava na ime grantova, podsticaj za poljoprivredu, subvencije po raznim osnovama trebaju biti u skladu sa usvojenim kriterijima za raspodjelu grantova, odnosno u skladu sa usvojenim Pravilnikom o raspodjeli sredstava na ime poticaja za poljoprivrednu proizvodnju, subvencije i sl.

(4) Odjeli institucije Vlade distrikta dužni su svako tri mjeseca vršiti sravnjenje operativnog i kapitalnog budžeta sa Sektorom za izvršenje budžeta.

(5) Rukovodioci budžetskih korisnika dužni su na osnovu saznanja, kao i na osnovu izvještaja interne i eksterne revizije, u slučaju utvrđene nezakonitosti i nepravilnosti, utvrditi mjere protiv istih u skladu sa zakonima i drugim propisima navedenim u uvodnom dijelu ovih računovodstvenih politika i drugim propisima koji budu povrijeđeni od uposlenika.

(6) Obaveze iz ranijih godina na osnovu dostavljenih faktura ili drugih knjigovodstvenih isprava budžetski korisnici izvršavaju na teret budžetskih sredstava tekuće godine, a pri tome su dužni voditi računa o eventualno pokrenutim sudskim sporovima od strane povjerilaca u cilju izbjegavanja dvostrukog plaćanja iste obaveze.“

Član 15.

Ova Odluka stupa na snagu danom donošenja i objavit će se u „Službenom glasniku Brčko distrikta BiH“.

Direktor Direkcije,
Mato Lučić, dipl.ecc

DOSTAVLJENO:

1. Odjelima Vlade Brčko distrikta BiH,
2. Fondu zdravstvenog osiguranja,
3. Uredu gradonačelnika,
4. Komisiji za papire od vrijednosti,
5. Policiji Brčko distrikta BiH,
6. Skupštini Brčko distrikta BiH,
7. Uredu za upravljanje javnom imovinom,
8. Uredu za reviziju,
9. Pravosuđu Brčko distrikta BiH,
10. Direkciji za finansije Brčko distrikta BiH,
11. Uredu Brčko distrikta BiH pri Vijeću ministara BiH,
12. Glavnom koordinatoru Vlade Brčko distrikta BiH,
13. Pravnoj službi,
14. „Službenom glasniku Brčko distrikta BiH“,
15. Evidenciji,
16. Arhivi.